

Univerzitet u Sarajevu

Fakultet političkih nauka

Odsjek: Komunikologija



Esej iz predmeta: Medijska kultura

Tema: Sport u doba korone- bh.prostor, fudbal i tenis

Prof. dr. Fahira Fejzić-Čengić

Sarajevo, 2021.

Haris Hodžić- Broj indeksa: 1055/II-K

Sažetak: U ovom radu ću opisati šta se sve dešavalo za sportom u Bosni i Hercegovini, kada je došlo do pojave koronavirusa. Kako je došlo do prekida sportskih takmičenja u Bosni i Hercegovini, kome su takve stvari odgovarale, a kome nisu. U ovom radu ću se osvrnuti i na organizovanje egzibicionog teniskog turnira Adria tour, od strane najboljeg tenisera svijeta Novaka Đokovića, koji se trebao održati i u Banja Luci i Sarajevu, ali je otkazan.

Ključne riječi: Premijer liga Bosne i Hercegovine, koronavirus, prekid prvenstva, kraj prvenstva, Adria tour.

Fudbal u Bosni i Hercegovini i Premijer liga Bosne i Hercegovine

Pojava koronavirusa u većini svijeta dovela je do totalnog haosa i do pojave velikih problema, koje su zahvatile i našu državu. Naredba Kriznog štaba Ministarstva zdravstva Kantona Sarajevo usvojena je 10. marta 2020. godine koja glasi: Shodno promjeni epidemiološke situacije u svijetu, Evropskom regionu i Bosni i Hercegovini, kao i procjeni epidemiološkoga rizika, otkazuje se održavanje javnih skupova u Kantonu Sarajevo na kojima se okuplja više od 300 učesnika, sukladno propisu o javnom okupljanju. Krizni štab Kantona Sarajevo donio je odluku da se utakmice Željezničar - Čelik i Sarajevo-Zvijezda 09 igraju pred praznim tribinama. Također, u Republici Srpskoj (RS) je donesena odluka da će se svi sportski događaji narednih sedmica održati pred praznim tribinama, a to uključuje najvjerovatnije i mečeve Borac - Sloboda i Radnik - Široki Brijeg. Premijer Republike Srpske (RS-a) Radovan Višković donio je odluku da će se sve „Sportske aktivnosti u Republici Srpskoj održavati pred praznim tribinama“. Istoga dana Nogometni savez Bosne i Hercegovine (NFSBIH) donio je odluku da se utakmice 23. i 24. kola igraju pred praznim tribinama, što je značilo da će se Sarajevski derbi nakon 10 godina igrati ponovo pred praznim tribinama.

Sudeći po pravilima nogometnih organizacija, utakmici bi u tom slučaju mogli prisustvovali:

- Igrači stručni štab (oba tima)
- Arbitražni tim (sudije, delegati op.a)
- Tehničko osoblje s funkcijama koje su povezane s organiziranjem takmičenja i najviše do 100 ljudi
- Delegacije klubova, predsjednici, direktori i sl.
- Zaštitari, vatrogasci, hitna pomoć, osobe zadužene za antidoping kontrole
- Službeni fotografi i osobe zadužene za odnose s javnošću obje ekipe
- Osobe zadužene za TV prijenose utakmica.

Ove odluke Nogometnog saveza Bosne i Hercegovine (NFSBIH) dovele su do finansijskog udara na sve klubove u Bosni i Hercegovini. Fudbalski klub Sarajevo najveći je gubitnik kada su u pitanju prodaja ulaznica za 23. kolo i 24. kolo. Gubitak novca od prodaje karata odnosi se prije svega na vječiti derbi, koji se u tom periodu trebao igrati krajem marta gdje se očekivalo ljepše vrijeme, i gdje se na stadionu Asim-Ferhatović Hase očekivalo oko 15.000 gledalaca. Dobra posjeta očekivala se i u susretu protiv Zvijezde 09. Zbog ovakve odluke Nogometnog Saveza Bosne i Hercegovine (NFSBIH) Fudbalski klub Sarajevo je izgubio oko 100.000 km. Najveći dobitnik ovakvog stanja bit će BH Telecom koji će kroz platformu "Moja TV" publici

koja bi inače bila na stadionu omogućiti direktan prijenos, između ostalog i vječitog derbija. Više od 220.000 KM klubovi BH Telecom Premijer lige Bosne i Hercegovine ukupno će izgubiti samo od prodaje ulaznica igranjem dva prvenstvena kola bez prisustva navijača na svojim stadionima.

U tom periodu navijači Fudbalskog kluba Željezničar još jednom su pokazali svoju privrženost i ljubav prema Želji, te su pokrenuli inicijativu o kupovini ulaznica, iako se susreti igraju bez prisustva publike. To je jedan veliki gest, jer su navijači pokazali ljubav prema klubu. Sastanak čelnika iz Nogometnog saveza Bosne i Hercegovine (NFSBIH) održan je 12. marta 2020. godine na kojem je donesena nova odluka koja glasi: da se prvenstvo Bosne i Hercegovine odgađa u periodu od dvije sedmice. Većina klubova u Bosni i Hercegovini je pustila igrače na odmor koji je trajao 14 dana. Pored toga, igrači su dobili upute od strane klubova šta bi trebali da rade, kako bi ostali na nivou fizičke spreme. Predsjednik Fudbalskog kluba Borac Vico Zeljkovic, koji danas obavlja funkciju predsjednika Nogometnog saveza Bosne i Hercegovine (NFSBIH) tada je izjavio: Najviše bih volio da se prvenstvo nastavi. Međutim kad se sagleda realno stanje, a to je da je trenutno vanredno stanje bez vidljive naznake kada će ekipe moći trenirati to je upitno. Unija evropskih fudbalskih asocijacija (Uefa) je preporučila da se prvenstvo završi do 20. juna, a mi bi onda trebali nastaviti prvenstvo 1. maja, a prije toga ekipe trebaju trenirati dvije sedmice. Niko ne može reći kada će se početi normalno trenirati.

Nogometni savez Bosne i Hercegovine (NFSBIH) donio je plan kako bi se mogla nastaviti Premijer liga Bosne i Hercegovine. Prvi prijedlog je da će se takmičenje nastaviti 19. aprila. Klubovi bi s pripremama počeli 5. aprila. Broj slobodnih vikenda je 11 što znači da bi se sve ligaški mečevi igrali vikendima, dok bi se završnica Kupa odigrala prema trenutnom sistemu.

Druga opcija je da se prvenstvo nastavi 3. maja. U tom slučaju klubovi bi s mini-ciklusom priprema počeli 20. aprila. Devet kola bi se igralo vikendom, a dva vanredna srijedom. Utakmice polufinala i finale Kupa bi se igrale srijedom s tim da postoji mogućnost da se odigra po jedna utakmica u polufinalu i finalu.

Treći prijedlog je da se prvenstvo nastavi 17. maja, a pripreme bi startale 15 dana ranije. Broj slobodnih vikenda je sedam što znači sedam kola bi se igralo vikendom te četiri srijedom. U ovom slučaju ekipe bi imale dvije slobodne srijede.

Susreti polufinala i finala Kupa bi se igrali srijedom uz po jednu utakmicu polufinala i finala. Dva polufinalna duela bi bila odigrana 13. maja, odnosno četiri dana prije nastavka Premijer lige.

Posljednja opcija je najkomplikovanija i igrači praktično ne bi imali vremena za predah. Prema utvrđenim rokovima 24. maj je posljednji datum za nastavak takmičenja. Pripreme bi počele 11. maja. Šest kola bi se igralo vikendom, a pet kola srijedom. U ovom slučaju

konstantno bi se igralo u ritmu subota - srijeda - subota. U prostorijama Nogometnog saveza Bosne i Hercegovine (NFSBIH) 15. aprila 2020. godine održana je video-konferencija između predstavnika Fudbalskog saveza Bosne i Hercegovine (FSBIH) te premijerligaških klubova. Na toj konferenciji glavna tema bila je nastavak Premijer lige Bosne i Hercegovine, konferencija je trajala oko 2 sata i na tom sastanku donesena je odluka da se prvenstvo privede kraju.

Diskutovalo se o četiri prijedloga koja je klubovima predočio Fudbalski savez BiH (FSBIH) i čini se da su treći i četvrti u tom trenutku bili (nastavak prvenstva 24. ili 31. maja) najrealniji, no svakako će mnogo toga zavisiti i odluka kriznih štabova u Federaciji BiH, te kriznih štabova u Republici Srpskoj (RS). Predloženo je da na svakom stadionu se postave dezinfekcioni tuneli, termalne kamere, bezkontaktni toplomjeri, i druge sadržaji u cilju zaštite zdravlja svih učesnika. Nakon ovog sastanka donesen je zaključak da će sezona biti nastavljena ukoliko ne bude pogoršana situacija, te da su po tom pitanju gotovo svi akteri složni s tim da će konačan datum nastavka prvenstva zavisiti od odluka kriznih štabova u Federaciji BiH, te kriznih štabova u Republici Srpskoj (RS). Naredna video-konferencija trebala bi biti organizovana početkom maja, a tada bi mnogo toga trebalo biti jasnije.

Nova sjednica Izvršnog odbora Nogometnog saveza Bosne i Hercegovine (NFSBIH) održana je 21. aprila 2020. godine, a glavna tema je bila virus Covid-19 i njegov uticaj na fudbalska takmičenja u našoj državi. Klubovi i navijači s nestrpljenjem iščekuju informacije o povratku na trening i o nastavku lige, ali to za sada diktira opšte stanje u državi i novonastala zdravstvena situacija.

Članovi Izvršnog odbora tada su razgovarali preko videolinka o tome kako i na koji način bi se mogla nastaviti ligaška fudbalska takmičenja ali za sada je očigledno prerano pričati o tome obzirom na sve mjere restrikcija koje su u našoj državi još uvijek na snazi. Početak bilo kojeg prvenstva u BiH ne može se odrediti sve dok pomenute mjere zabrane u državi ne budu lagano počele da se ukidaju i da to za sada najviše određuje i eventualnu odluku Nogometnog saveza o datumu povratka na trening i nastavka prvenstava. Savez je zahvaljujući preprekama Unije evropskih fudbalskih asocijacija (Uefa) i Međunarodne fudbalske organizacije (Fifa) aplicirao program koji će obezbjeđivati sredstva za zaštitu igrača i svih drugih aktera koji su potrebni za organizovanje jedne utakmice. Na račun Nogometnog saveza BiH (NFSBIH) Međunarodne fudbalske organizacije (Fifa) će uplatiti 500.000 dolara. Unija evropskih fudbalskih asocijacija (Uefa) je odredila rok do kada će njene članice morati dostaviti planove za nastavak domaćih takmičenja. To je značilo da Nogometni savez Bosne i Hercegovine (NFSBIH) mora pronaći plan za nastavak prvenstva do 25. maja, odnosno preostalih 11. kola Premijer lige te polufinalne i finalne utakmice Kupa BiH. Tadašnji generalni sekretar Nogometnog saveza Bosne i Hercegovine Adnan Džemidžić potvrdio je kako je nadležnim ministarstvima dostavljen prijedlog mjera i procedura za mogući nastavak treniranja i

odigravanja utakmica Premijer lige BiH. On je još rekao da je krovna kuća bh. fudbala obavila sve što je potrebno da se prvenstvo može napraviti u trenutku kada se ublaže mjere.

Fudbaleri iz Premijer lige Bosne i Hercegovine bi se prema ranijim najavama treninzima mogli vratiti 4. maja, a za to je potrebna dozvola nadležnih ministarstva zdravstva. Nova sjednica između predstavnika Nogometnog Saveza Bosne i Hercegovine (NFSBiH) i klubova Premijer lige Bosne i Hercegovine održana je 28. aprila 2020. godine gdje je predstavljen neslužbeni plan o nastavku fudbalske sezone u Bosni i Hercegovini. Tadašnji plan Nogometnog Saveza Bosne i Hercegovine (NFSBiH) bio je da se sa trenažnim procesom započne između 8. i 10. maja. Trenažni proces bi bio podijeljen u tri faze. Nekoliko dana bi se treniralo individualno, dok bi fudbaleri u grupama od pet igrača počeli trenirati od 13. maja. Kolektivni treninzi bi prema sadašnjem planu mogli početi 25. maja i trajali bi dvije sedmice, što znači da bi Premijer liga ponovo trebala startati 7. juna. Da bi ovaj plan bio zvanično potvrđen potrebno je da dobije saglasnost nadležnih organa, odnosno entitetskih ministarstava zdravstva te kriznih štabova. Igrači i učesnici treninga bi trebali obaviti dva testiranja prije početka prvenstva, jednom prije trenažnog procesa, a jednom prije nego prvenstvo starta, ali sve će ovisiti i o tome kakve će biti mjere nadležnih organa.

Fudbalski savez Bosne i Hercegovine (FSBiH) 08. maja 2020. godine održao je novu video-konferenciju s klubovima iz Premijer lige Bosne i Hercegovine. Tema sastanka bila je nastavak sezone u društvu najboljih bh. timova, ali nakon višesatnog vijećanja nije donesen nikakav zaključak o eventualnom nastavku sezone. Tada su klubovi od Fudbalskog saveza Bosne i Hercegovine (FSBiH) dobili upitnik na koji su morali odgovoriti do 14. maja. Pitanja na koji su klubovi morali odgovoriti bila su sljedeća: 1. Da li ste za nastavak takmičarske sezone 2019/2020, 2. Ako jeste da li smatrate da se takmičenje treba završiti u postojećem formatu, 3. Ako smatrate da je potrebno mijenjati format takmičenja molimo za opis istog, 4. Na koji način ćete organizovati trenažni proces, a u smislu poduzimanja preventivnih mjera? Potreban detaljan opis?, 5. Na kojim terenima planirate obavljati treninge?, 6. Na koji način planirate organizovati putovanja na utakmice? Potreban poseban opis za korištenje ugostiteljskih objekata i hotela tokom putovanja?, 7. Na koji način je planirana organizacija utakmice i koji broj osoblja je potreban u direktnoj organizaciji?, 8. Način testiranja igrača i ostalog osoblja na COVID-19 i naziv ustanove?, 9. Rok do kada je planirano obaviti testiranje?.

Federalni štab civilne zaštite Federacije Bosne i Hercegovine (FBiH) 11. maja 2020. godine donio je odluku kojom se omogućava trenažni proces sportistima nakon višesedmične obustave zbog pandemije koronavirusa. Nova video-konferencija između predstavnika Nogometnog saveza Bosne i Hercegovine (NFSBiH) i klubova Premijer lige Bosne i Hercegovine održana je 14. maja 2020. godine. Naravno, tema i razlog sazivanja konferencije su eventualni nastavak Premijer lige BiH koja je još od polovine marta pod suspenzijom zbog globalne pandemije novog koronavirusa. Na početku video-konferencije iz Nogometnog

saveza Bosne i Hercegovine (NFSBIH) su rekli da je u upitniku koji su dostavili svim klubovima 75% klubova bilo je za nastavak sezone. Iz svega toga da se zaključiti da je devet klubova bilo za nastavak sezone, a da su 3 kluba bila suzdržana. To bi značilo da ukoliko se pitaju klubovi iz Premijer lige Bosne i Hercegovine prvenstvo bi trebalo biti nastavljeno.

Premijerligaški klubovi su nakon ovog perioda uspješno krenuli sa testiranjem na koronavirus, kao i sa treninzima. Nova video-konferencija između predstavnika Nogometnog saveza Bosne i Hercegovine (NFSBIH) i klubova Premijer lige Bosne i Hercegovine održana je 14. maja 2020. godine. Nogometni savez Bosne i Hercegovine (NFSBIH) poručio je da će odluka o takmičenjima Premijer ligi Bosne i Hercegovine biti donijeta na narednoj sjednici Izvršnog odbora, mada nije precizirano kada će se ista održati. Glavni razlog što je ova odluka donesena jeste da je sjednica Izvršnog odbora Unije evropskih fudbalskih asocijacija (Uefa) prolongirana za 17. 06. 2020. godine, produžen je i rok do kojeg nacionalne asocijacije trebaju dostaviti prijedloge o eventualnom nastavku svojih takmičenja. Iz Nogometnog saveza Bosne i Hercegovine (NFSBIH) poručili su da nastavak prvenstva nije moguć iza 14. juna. Federalni štab civilne zaštite Bosne i Hercegovine tada je donio odluku da se od 30. maja sportska takmičenja mogu održavati, uz poštivanje svim mjera zaštite. To je značilo da su u Federaciji Bosne i Hercegovine stvoreni svi preduslovi kada su u pitanju mjere i odluke vlasti, da se nastavi Premijer liga BiH. Međutim u Republici Srpskoj (RS) na snazi je tada bila odluka o zabrani sportskih takmičenja koja je važila do 8. juna. Ukoliko bi se ona ukinula Premijer liga Bosne i Hercegovine bi se mogla nastaviti. Dovoljno je vremena da čelnici Nogometnog saveza Bosne i Hercegovine (NFSBiH) razgovaraju sa kriznim štabom Republike Srpske (RS), da im u krajnjem slučaju ukažu na značaj povratka fudbala za društvo, pa da im ukoliko ne znaju, ukažu i na to da će u našem susjedstvu od kojeg smo često prepisivali mjere, fudbal početi ovog vikenda, čak uz prisustvo gledalaca. Ministar zdravlja i socijalne zaštite Republike Srpske (RS) Alen Šeranić 29. maja 2020. godine izjavio je kako se fudbalska sezona u Bosni i Hercegovini vjerovatno neće nastaviti. On je izjavio sljedeće: Što se tiče tog pitanja mi smo dali jednu javno-zdravstvenu preporuku prije 20-ak dana vezanu za nastavak sportskih takmičenja. Mi smo išli prema preporuci Ministarstva sporta da bi trebalo razmišljati o početku nakon 1. jula. To je nešto što je stav generalno i ako govorimo o masovnim okupljanjima, to je opcija o kojoj smo razmišljali, izjavio je Šeranić. Ministar zdravlja i socijalne zaštite Republike Srpske Alen Šeranić još je rekao: Mi smo od Ministarstva sporta i tražili da se i oni izjasne i da se vidi sa savezima, da li su oni spremni da uopšte završe sezonu, da li mogu da igraju? Preporuka svakako jeste i ostaje da to bude poslije 1. jula, dodao je ministar zdravlja i socijalne zaštite RS. Ova izjava Šeranića jasan je dokaz da se Premijer liga Bosne i Hercegovine neće nastaviti i da bi se klubovi uveliko trebali spremati za narednu sezonu. Nova sjednica Takmičarske komisije Fudbalskog saveza Bosne i Hercegovine (FSBIH) održana je 01. juna 2020. godine koja je donijela odluku o prekidu

Premijer lige i Kupa Bosne i Hercegovine. Ovu odluku potvrdio je i Izvršni odbor Fudbalskog saveza Bosne i Hercegovine (FSBIH).

Na toj sjednici donesena je odluka da se proglaši kraj premijerligaške sezone nakon 22. odigrana kola. Vodeća ekipa Sarajevo je proglašena za prvaka, društvo najboljih napuštaju Čelik i Zvijezda 09, dok će osim Sarajeva (Liga prvaka) u Evropi igrati Željezničar, Zrinjski i Borac (Evropa liga). U društvu najboljih ponovo će igrati Olimpik i Krupa. Prekinut je i Kup Bosne i Hercegovine u čijoj završnici su trebali igrati Željezničar, Zrinjski, GOŠK i Široki Brijeg.

(<https://www.youtube.com/watch?v=0G3OGB5LJLY&t=385s>,https://www.youtube.com/watch?v=zjuzbFS_Wo0&t=96s,)

Fudbalski klub Sarajevo 5. juna 2020. godine, proslavilo je novu titulu šampiona Bosne i Hercegovine, ukupno 7 titulu u svojoj bogatoj historiji.

Nažalost, usljed pandemije koronavirusa nije bilo moguće organizovati uobičajnu proslavu titule u ulici Maršala Tita, pa je umjesto toga organizovan šampionski krug Bordo tima po gradu. Bordo autobus krenut će sa parkinga ispred stadiona Asim Ferhatović Hase u 20.30 sati, te napraviti krug do Vijećnice vozeći ulicom Obala Kulina bana, te nazad do stadiona kroz ulice Mula Mustafe Bašeskije, Maršala Tita i Alipašinu ulicu.

Zdravlje navijača i uposlenika FK Sarajevo mora biti prioritet, te pozivamo kompletnu javnost na odgovorno ponašanje i razumijevanje”, saopšteno je iz redova šampiona.



IZVOR:ANADOLIJA/SAMIR JORDAMOVIĆ

Pored proslave na ulicama grada Sarajeva, uprava i igrači Fudbalskog kluba Sarajeva su titulu proslavili i u restoranu Park Prinčeva uz ugodno druženje i prijatnu atmosferu. Tu su i došli i igrači koji su kroz historiju učestvovali u osvajanju svih 7 šampionskih titula, kao što su: Mehmed Janjoš, Almir Turković, Admir Hasančić, Alen Avdić, Mirza Kapetanović, Zijad Švrakić, Senad Repuh, Dženan Ušćuplić. (<https://www.youtube.com/watch?v=5t1HU1ta1H4>)

Velike zasluge za osvajanje nove titule imala je uprava Fudbalskog kluba Sarajevo na čelu sa predsjednikom Senadom Jahićem, direktorica Sabrina Buljubašić, koordinator kluba Emir Hadžić, kao i treneri Fudbalskog kluba Sarajevo u sezoni 2019/2020 Husref Musemić koji je smijenjen od strane uprave kluba u periodu zime, kao i Vinko Marinović koji je osvojio titulu prvaka nakon samo 3 kola.

Nakon što je završena sezona Premijer lige Bosne i Hercegovine, Nogometni savez Bosne i Hercegovine (NFSBiH) izdao je saopštenje o svojim, ali i aktivnostima klubova u proteklom periodu, za vrijeme trajanja prekida.

Iz NFSBiH su otkrili da je samo pet klubova prije početka trenažnog procesa testiralo svoje igrače na Covid-19, što je bila preporuka. Podsjetimo, u nekim evropskih zemljama su testovi bili uslov da se uopšte počne sa treninzima, makar i individualnim.

Prema saopštenju Nogometnog saveza Bosne i Hercegovine (NFSBiH), igrače su prije starta treninga testirali FK Sarajevo, HŠK Zrinjski, FK Tuzla City, NK Čelik i FK Sloboda. Također, Nogometni savez Bosne i Hercegovine (NFSBiH) je istakao da je šest klubova dostavilo planove za organizaciju utakmica s aspekta epidemiološko-zdravstvene zaštite učesnika, dok su "svi stadioni zadovoljavaju sanitarno-epidemiološke uslove za organizaciju utakmica sa prostornog aspekta, ali nijedan stadion nije u cjelosti sadržajno osigurao uslove (sanitarna sredstva, dezinfekcioni materijal, itd)".

Početak nove sezone Premijer lige zakazan je za 1. i 2. august 2020. godine. Međutim prije početka same lige, desili su se novi problemi kada su u pitanju fudbaleri koji su pozitivni na korona virus. Najviše problema sa ovakvim stvarima imala je ekipa Mladosti iz Doboj Kaknja. Čak 22 zaposlenika Mladosti Doboj Kakanj, od čega 11 nogometaša i trener Fahrudin Šolbić, kao i uprava i direktor, pozitivni su nakon testiranja na koronavirus. Predjednik kluba Mensur Mušija otkrio je kako je pojava korona virusa dospjela u njegov klub: "Mi smo imali problem kada se pojavio po nama prvi simptom na koronu. Našeg tog igrača nisu htjeli da testiraju. Mi smo ga poslali kući, a i drugog smo zatim poslali kući. Niko ih nije želio testirati, jer kao nemaju simptome. Ekipa je imala po dva treninga, zajednički ručak, zajednički odmor i to je bilo idealno za koronu. „Ušla“ je preko jednog neodgovornog momka, a ja mislim da testiranja ništa ne pomažu. Nemamo ni para da držimo ekipu u karantinu kao u Njemačkoj, te da se testiramo svaka četiri dana. Mi smo odlučili obustaviti rad i ponašamo se kako je krizni štab naredio. Neki klubovi vidim imaju pozitivne igrače, a nastavljaju sa radom. Krizni štab

Zeničko Dobojskog Kantona (ZDK) je donio pravilnik da se svi zaraženi smjeste u izolatorij 14 dana od dana kada su uradili testiranje, a onda 14 dana u samoizolaciju. Mi prvo kolo nemamo ekipu i ne možemo igrati, to je jasno". Nova sjednica Nogometnog Saveza Bosne i Hercegovine održana je 17. jula 2020. godine na kojoj je usvojen Covid protokol pred start nove sezone u Premijer ligi. U slučaju da tokom sezone u nekoj od ekipa bude zabilježen pozitivan nalaz na koronavirus, on će biti tretiran kao povreda. Igrač koji bude pozitivan će ići u samoizolaciju, prvenstvo će se nastaviti, a bitna je stavka da će u protokolu za utakmice u novoj sezoni iz tih razloga biti 20 fudbalera. Nogometni savez Bosne i Hercegovine (NFSBIH) napravio je Plan mjera i procedura „Covid 19“ za odigravanje utakmica Premijer lige BiH i Kupa BiH bez prisustva publike za sezonu 2020/21. Svi učesnici utakmica bit će dužni potpisati deklaraciju o odgovornosti koja je uslov za nastup. Prije ulaska na stadion bit će svima mjerena temperatura. Na predviđenim mjestima bit će postavljeni uređaji sa dezinfekcionim sredstvom za pranje ruku. Neće biti moguće rukovanje, grljenje ili bilo koji drugi kontakt među učesnicima u utakmici. Prije sezone vršit će se obavezno testiranje 30 igrača, 5 trenera, 5 članova medicinskog osoblja i 5 članova administracije. Prije početka mečeva bit će izvršeno i testiranje na Covid-19 sudija i ostalih službenih osoba koje su uključene u meč. Stadion će u vrijeme svake utakmice biti podijeljen na tri zone - Teren za igru i prostor svlačionica, prostor tribina i vanjski dio stadiona. Sve osobe koje budu prisustvovala utakmici, izuzev igrača, članova stručnog štaba i sudaca moraju nositi masku sve vrijeme i držati socijalnu distancu. Broj potrebnih osoba za odigravanje susreta bit će sveden na minimum i to na sljedeći način: 40 igrača, 12 članova stručnog štaba, 4 sakupljača lopti, 2 fotografa, 2 hitna pomoć, 2 nosači nosila, 5 redari/policija, 4 sudije, 3 ostali predstavnici Nogometnog saveza, 2 anti doping, 2 služba za održavanje /čišćenje, 5 kamermani. Ovo predstavlja ukupno 83 osobe i iste će moći da se kreću u crvenoj zoni, odnosno zoni stadiona i prostora svlačionica. U žutoj zoni, koja je zona 2 i predstavljat će prostor tribina moći će da bude 28 osoba i to većinom redari/policija, vatrogasci, uprava stadiona, gostujuća i domaća delegacija te 6 novinara. U zelenoj zoni, koja je zona oko stadiona bit će ukupno 20 osoba i to 10 redara/policija, pet ljudi iz TV produkcije i 5 koji održavaju stadion.

Što se tiče samog izlaska na teren, prvo će izaći trojica sudaca i otići prema liniji centra. Poslije toga igrači gostujuće ekipe izlaze na teren, a potom, nakon pregleda četvrtog suca i delegata i igrači domaće ekipe. Između igrača i sudaca mora biti razmak minimum jedan metar prilikom izlaska na teren. Rukovanje nije dozvoljeno.

Novo testiranje igrača Mladosti Doboj Kakanj izvršeno je 23. jula 2020. godine, kao i upravnog odbora, a i direktora i predsjednika gdje je novim testiranjem potvrđeno da su svi negativni, te da se maksimalno mogu vratiti aktivnostima, odnosno treninzima.

Svi klubovi izvršili su uspješno testiranje svojih igrača na pojavu koronavirusa, gdje se do zaključka da je sve prošlo u najboljem redu, i nadaju se da će se tako i dalje nastaviti.

Do nove pojave koronavirusa došlo je 25. augusta 2020. godine. Ovaj put kod igrača Fudbalskog kluba Željezničar. Koronavirus je pokosio Plave, a kod čak šest nogometaša nalaz je bio pozitivan. Pozitivni na korona test su: Irfan Fejzić, Frane Ikić, Damir Sadiković, Mustafa Mujezinović, Ermin Zec i Samir Bekrić. Zbog toga je Unija evropskih fudbalskih asocijacija (Uefa) je odlučila da Željezničar neće igrati svoju utakmicu 2. kola Evropske lige protiv Makabija iz Haife iz razloga što imaju šest novozaraženih igrača. Zbog toga su se igrači Željezničara vratili u Sarajevo, ali ih je dočekalo neugodno iznenađenje. Naime, svi članovi kluba bez obzira da li su bili negativni ili pozitivni morali su potpisati rješenje o samoizolaciji u trajanju od 14 dana. No, u taboru Željezničara su to odbijali i tražili su da se ponovo testiraju na aerodromu. Međutim, na kraju je postignut dogovor da svi članovi koji su bili u Izraelu idu u izolaciju do ponedjeljka, a u međuvremenu će ponovo biti testirani. Nakon testiranja ko bude negativan imat će pravo napusti izolaciju i vratiti se poslu, a u slučaju da neko bude pozitivan ostaje u izolaciji.

Federalna uprava za inspekcijske poslove 03. septembra 2020. godine izdala je obavještenje u kojem se navodi da je FK Željezničar dobio dozvolu za treniranje. Tada je rečeno sljedeće: Obavljanje trenažnog procesa vrši se u epidemiološki kontroliranim uvjetima, prema spisku koji dostavi predsjednik FK Željezničar za neophodne igrače/članove kluba, u unaprijed određenom terminu na terenu FK Željezničar, uz poštivanje svih obavezujućih higijensko-epidemioloških mjera i konkretnih preporuka za provođenje trenažnog procesa, a kako bi se isključila mogućnost sekundarne transmisije virusa COVID-19. Shodno mišljenju Zavoda za javno zdravstvo KS, a na zahtjev FK Željezničar, zbog novog termina održavanja međunarodne utakmice u Izraelu dana 9.9.2020. godine koji je određen od strane UEFA-e, u skladu sa smjernicama Svjetske zdravstvene organizacije (WHO) provest će se testiranja PCR metodom 24 h prije leta kod svih asimptomatskih igrača/članova kluba, te ukoliko nalaz bude negativan, igračima odnosno članovima kluba će se omogućiti odlazak u Izrael na dan 8.9.2020. godine, uz strogo pridržavanje propisanih higijensko-epidemioloških mjera.

O povratku navijača na bh.stadione razgovaralo se 04. septembra 2020. godine. Na press-konferenciji koja je tada održana pomoćnik ministra zdravstva Federacije Bosne i Hercegovine (FBiH) Goran Čerkez izjavio je sljedeće: predloženo bi bilo da se po tribini koristi 10 posto sjedećih mjesta, da se drži distanca i sjedi na označenim mjestima uz nošenje maske i to ne bi bio rizik. Međutim, strah nas je rizika nakon toga i tu smo spremni dati upute da se pojača nadzor u obližnjim kafanama i takvim mjestima i pokušamo vratiti ljude normalnom životu zbog mentalnog zdravlja. Ukoliko eksperimentalna faza prođe kako treba do kraj mjeseca bi publika na stadionima mogla biti na tribinama. Bitno je naglasiti da se ovo

još ne može primjenjivati na sportove u zatvorenom, naglasio je Čerkez. Do nove pojave koronavirusa dolazi 19. oktobra 2020. godine ovaj put u Nogometnom klubu Široki Brijeg. U NK Široki Brijeg zabilježeno je više pozitivnih slučajeva koronavirusa zbog čega je hercegovački klub desetkovan nastupio protiv FK Sarajevo. Širokobriježani su u Sarajevo doputovali bez osam standardnih igrača, a na kraju je u zapisniku je bilo ukupno 13 igrača jer ih je nekoliko ostalo u hotelu zbog simptoma. Igrači, stručni štab i ostali su iz NK Široki Brijeg izvršili su testiranje na pojavu koronavirusa. Nakon te utakmice, desili su se novi problemi za Nogometni klub Široki Brijeg. Iz kluba su potvrdili da su šestorica igrača koji su nastupali na Koševu u subotu, pozitivni su na koronavirus, kao i jedan član stručnog štaba. Širokobriježani će tražiti odgađanje utakmice s Veležom u srijedu u Kupu BiH, kao i prvenstvene utakmice s Tuzla Cityjem. Na osnovu Covid 19- protokola : Svi klubovi moraju imati dovoljan broj igrača, kako bi mogli imati dovoljno zamjena u slučaju pojave zaraženih igrača. U slučaju pojave zaraženih igrača u ekipu, ti igrači idu u samoizolaciju u skladu sa epidemiološkim preporukama, ali se utakmice ne odgađaju".

Nova Press-konferencija održana je 09. februara 2021. godine na kojoj se obratio pomoćnik federalnog ministra zdravstva i član Kriznog štaba Goran Čerkez. On je rekao sljedeće: "Mi smo jesenas bili spremni dati saglasnost da se igra liga, no tada RS nije bila spremna na tu mjeru, pa je izostalo vraćanje publike. U narednih 15 dana ćemo učiniti sve, obaviti razgovore s kolegama iz RS-a i Nogometnog saveza BiH (NFSBIH) i ako bude epidemiološka situacija adekvatna, razmišljat ćemo i toj mjeri“.

Sjednica Republičkog štaba za vanredne situacije Republike Srpske održana je 22. februara 2021. godine na kojoj je donesena odluka da do 5. marta neće biti dozvoljena publika na stadionima. Takva odluka znači da na najmanje dva proljetna kola Premijer lige BiH neće biti publike na utakmicama, a vjerovatno će odluka biti produžena.

Nogometni savez BiH (NFSBIH) razmatrao je mogućnost povratka gledatelja na stadione u nekom manjem postotku, ali nakon današnjeg zasjedanja Republičkog štaba za vanredne situacije u manjem bh. enitetu, od toga nema ništa. Takve odluke stoje i do dana današnjeg, nema promjena nikakvih kada je u pitanju publika. Situacija sa koronavirusom svaki danom je sve gora i gora, sve veći je broj novoizaraženih, sve veći broj umire. Tako da je najbitnije da budemo svi zdravi. A na tribine ćemo se vratiti tek kad se steknu uslovi za to, a to je samo moguće prestankom pandemije i vakcinisanjem većeg broja populacije. Moje mišljenje je da to svi navijači jedva čekaju, da se vrata na tribine i da bodre svoje klubove do novih pobjeda.

Tenis- bh.prostor

Nakon što je 12.marta Teniska organizacija objavila da se tenis neće igrati, najbolji teniser Novak Đoković je zajedno sa svojim trenerom Goranom Ivaniševićem došao na ideju da organizuje egzibicione turnire pod nazivom Adria Tour na području Bosne i Hercegovine, Hrvatske, Srbije, Crne Gore. Na turnirima će učestvovati neka velika imena svjetskog tenisa kao što su: Grigor Dimitrov, Marin Čilić, Alexander Zverev, Dominic Thiem, Nenad Zimonjić, Marin Čilić, Borna Ćorić, Andrej Rubljev, Filip Krajinović, bivši teniseri iz Srbije: Janko Tipsarević, Jelena Janković, Ana Ivanović.

Predloženi raspored i lokacije su:

Beograd, Srbija - 13. - 14. Jun

Zadar, Hrvatska - 20. - 21. Juna

Crna Gora - 27. – 28. Juna

Banja Luka, Bosna i Hercegovina – 3.-4.jula

Sarajevo, Bosna i Hercegovina - 5. Jula.

Prvi reket svijeta Novak Đoković bit će gost Banja Luke 3/4. jula, a dan kasnije će odigrati meč sa najboljim teniserom Bosne i Hercegovine Damirom Džumhurom u Sarajevu. Najbolji teniser svijeta Novak Đoković okupio je vrhunske asove bijelog sporta koji će da se predstave publici na regionalnom „Adria Touru“, događaju koji se igra od 13. juna do 5. jula, navodi se u saopštenju poslatom medijima u petak i dodaje: Teniski savez Republike Srpske (RS) također je potvrdio da će Đoković uskoro biti gost grada na Vrbasu. „Sa velikim zadovoljstvom Vas obavještavamo da je najbolji svjetski teniser Novak Đoković potvrdio dolazak u Banjaluku koji će se realizovati 3. ili 4. jula“. Novak Đoković još je rekao: Ako postoji šansa da se odigra dubl, igrat ćemo sa Mirzom Bašićem i Tomislavom Brkićem i ko god bude raspolagao. Još uvijek nisu stopostotno zagarantovane lokacije BiH i Crne Gore jer smo se posvetili Hrvatskoj i Srbiji jer su te zemlje prve po datumima. Morali smo se tome posvetiti. Banjaluci, Sarajevu i Crnoj Gori ćemo se posvetiti u nastavku i nadam se da će turniri biti organizovani”.

Jedan od glavnih razloga prekida Premijer lige Bosne i Hercegovine bila je odluka Ministarstva zdravlja i socijalne zaštite RS-a da se sportski događaji u ovom bh. entitetu zabranjuju do 1. jula. Isti u okviru Adria Toura uz pomoć ljudi iz političkog vrha Republike Srpske (RS-a) organizuje prvi teniser svijeta Novak Đoković, a partner u projektu bit će Teniski savez Republike Srpske. Planirano je da se s grupnom fazom turnira počne 3. jula, a

prije toga bit će održano Prvenstvo Republike Srpske koje će ujedno biti i kvalifikacioni turnir za učešće na Noletovom turniru.

Prvenstvo, odnosno kvalifikacije, planirano je da se održe od 20. do 22. juna. Učešće mogu uzeti teniseri iz Republike Srpske, Federacije BiH, Srbije, Makedonije, Hrvatske i Slovenije, a polufinalisti će steći pravo nastupa na turniru Novaka Đokovića. Bit će to jedan od dva kvalifikaciona turnira za učešće na glavnoj manifestaciji početkom jula. Mnogi su smatrali da je ova odluka neispravna i postavljali su pitanja koje je glasilo: kako je moguće da se tokom zabrane održavanja sportskih mečeva igra prvenstvo Republike Srpske (RS).

Tada je uspostavljen kontakt sa PR-om Teniskog saveza Republike Srpske (RS) Bojanom Božićem koji je svu odgovornost prebacio na Đokovićev tim ljudi koji, kako on kaže, to on organizuje i u kontaktu je s vlastima Republike Srpske (RS-a). Bojan Božić tada je izjavio: "Teniski savez RS-a samo je partner u ovom događaju, a svu organizaciju preuzeo je tim ljudi Novaka Đokovića".

Teniski turnir u Zadru koji se igrao u periodu od 20. do 21. juna ulazio je u samu završnicu. Trebao se odigrati još samo jedan meč tj. finale turnira između Novaka Đokovića i Andree Rubljeva, ali to finale je otkazano. Glavni razlog što je donesena ovakva odluka jeste da je Bugarski teniser Grigor Dimitrov pozitivan na koronavirus. Dimitrov je bio jedan od učesnika na turniru, ali se povukao nakon samo jednog odigranog meča s prvobitnim objašnjenjem da je umoran. Kasnije, to jeste prije otprilike sat vremena, objavio je kako je pozitivan na Covid-19. On je jedini duel na turniru igrao jučer i to protiv Borne Ćorića od kojeg je izgubio 2:0. Podsjetimo, Dimitrov je sredinom mjeseca učestvovao i na turniru u Beogradu koji se također igrao u sklopu Adria Toura. Ceremonija bi se sada trebala preseliti u Banja Luku, ali nakon posljednjih dešavanja sve je pod znakom pitanja. Grigor Dimitrov se oglasio i putem društvene mreže Instagram gdje je napisao: Pozdrav svima. Želim da vam saopštim da sam testiran i da sam pozitivan na koronavirus. Želim da vam kažem da će se svi koji su bili u kontaktu sa mnom testirati i preduzeti sve potrebne mjere. Žao mi je ako sam izazvao nešto loše ili zarazio nekog. Sada sam kod kuće, odmaram i oporavljam se. Hvala vam na podršci i molim vas ostanite bezbjedni".

Od tenisera koji su nastupali na Adria Touru negativni na koronavirus su sljedeći teniseri: Marin Čilić, Dominik Thiem, Aleksandar Zverev, Damir Džumhur, Novak Đoković, Andrej Rublev, dok su s druge strane pozitivni na koronavirus su: Borna Ćorić, Viktor Troicki, i trener Novaka Đokovića: Goran Ivanišević, kao i kondicioni trener Grigora Dimitrova.

Novak Đoković je trebao da odmjeri snage s Damirom Džumhurom, ali je sve izvjesnije da se meč neće ni odigrati jer nije određen teren. Bio je plan da se prostor ispred zgrade Zajedničkih institucija na Vrbanji isprazni i pripremi za egzibicioni meč, a organizaciju je trebalo da vodi Đokovićev tim iz Beograda uz pomoć ljudi iz Sarajeva, dok bi glavno težište bilo na Gradskoj upravi grada Sarajeva, koja je trebala da obezbijedi infrastrukturu i pripremi mjesto za sportski događaj.

I stadion Grbavica je otpao kao opcija, pa je upitno bilo hoće li se u Sarajevu uopšte pojaviti najbolji teniser svijeta Novak Đoković. Sastanak Organizacionog odbora Adria Toura održan je 23. jula 2020. godine, gdje je donesena odluka da se turnir ne nastavlja, kao i da neće biti održan u Banjoj Luci, niti u Sarajevu. Poslije sastanka svih članova Organizacionog odbora Adria Toura donesena je odluka da se turnir ne nastavlja, kao i da neće biti održan u Banjoj Luci, niti u Sarajevu.

“Izuzetno nam je žao što moramo da prekinemo organizaciju teniskih turnira u Banjoj Luci i Sarajevu. Radovali smo se da publika koja dugo godina čeka vrhunske asove, konačno vidi uživo Novaka Đokovića i druge tenisere, kao i da igranjem u ovim gradovima omogućimo promociju sporta i finansijsku podršku lokalnim igračima. Nažalost, zbog svih događaja posljednjih dana donijeli smo odluku da je sada najvažnije da se epidemiološka situacija stabilizuje, kao i da se svi oporave”, izjavio je direktor turnira Đorđe Đoković. Đorđe Đoković se zahvalio svim učesnicima iz Teniskog saveza Republike Srpske (RS), grada Sarajeva, svima koji su vrijedno radili da pripreme ovaj događaj. Cijenimo to i ostajemo prijatelji, a nadamo se da ćemo našu ideju sprovesti u djelo, čim se za to uslovi stvore.

Đorđe Đoković je na kraju podsjetio da je ideja Adria Toura bila humanitarnog karaktera, sa ciljem da se omogući zarada igračima iz regiona, pomogne humanitarnim organizacijama i da se promovišu dobre vrijednosti.

Prvi reket svijeta Novak Đoković priznao je da su on i njegov tim pogriješili u organizaciji Adria Toura.

On je na društvenim mrežama naveo da se duboko izvinjava svima kojima je turnir nanio štetu.

„Sve što smo organizatori i ja uradili u prethodnih mjesec dana, uradili smo sa iskrenim namjerama i čistim srcem. Vjerovali smo da je turnir ispunio sve zdravstvene protokole i da je naš region bio u dovoljno dobrom stanju da ujedini ljude iz filantropskih razloga. Pogriješili smo, bilo je prerano. Ne mogu da vam opišem koliko mi je žao zbog apsolutno svakog slučaja zaraze“, izjavio je Đoković. On se našao na udaru sportske javnosti, nakon prekida manifestacije, zbog loše organizacije i nepoštovanja mjera zdravstvene zaštite.

Zaključak:

Pandemija korona virusa je utjecala na sve sfere života pa tako i na sport. Navijači su uskraćeni za to da bodre svoje klubove sa tribina. Sigurno da to nedostaje i igračima, a posebno navijačima jer je to smisao sporta, da se igra za publiku koja to vjerno prati i zdušno navija. Ostaje nada da će ovo sa pojavom korona virusa brzo proći i da će svi oni koji vole sport moći pratiti klubove za koje navijaju uživo, a ne preko malih ekrana.

Web izvori :

- 1.[https://sportsport.ba/fudbal/republicki-stab-za-vanredne-situacije-republike-srpske-bez-
publike-na-stadionima-do-5-marta/391801](https://sportsport.ba/fudbal/republicki-stab-za-vanredne-situacije-republike-srpske-bez-publike-na-stadionima-do-5-marta/391801)
- 2.<https://sportsport.ba/fudbal/goran-cerkez-navijaci-tribine-povratak-premier-liga/390449>
- 3.<https://sportsport.ba/fudbal/nk-siroki-brijeg-sarajevo-koronavirus-kosevo/379408>
- 4 <https://sportsport.ba/fudbal/siroki-brijeg-koronavirus-velez/379344>
- 5.<https://sportsport.ba/fudbal/siroki-brijeg-korona-protokol/379349>
- 6.[https://sportsport.ba/fudbal/cerkez-o-povratku-navijaca-na-stadione-mora-se-sjediti-na-
oznacnim-mjestima-i-drzati-distanca/374202](https://sportsport.ba/fudbal/cerkez-o-povratku-navijaca-na-stadione-mora-se-sjediti-na-oznacnim-mjestima-i-drzati-distanca/374202)
- 7.[https://sportsport.ba/fudbal/fk-zeljeznicar-dobio-dozvolu-za-treniranje-odredeni-i-uslovi-za-
put-u-izrael/374138](https://sportsport.ba/fudbal/fk-zeljeznicar-dobio-dozvolu-za-treniranje-odredeni-i-uslovi-za-put-u-izrael/374138)
- 8.<https://sportsport.ba/fudbal/plavi-u-izolaciji-do-ponedjeljka/373400>
- 9.[https://sportsport.ba/fudbal/koronavirus-pokosio-plave-osim-odredio-putnike-za-
izrael/373085](https://sportsport.ba/fudbal/koronavirus-pokosio-plave-osim-odredio-putnike-za-izrael/373085)
- 10.<https://sportsport.ba/fudbal/covid-19-protokol-klubovima-cista-desetka/370591>
- 11.[https://sportsport.ba/fudbal/korona-je-proslost-u-kaknju-svi-testirani-u-fk-mladost-su-
negativni/369446](https://sportsport.ba/fudbal/korona-je-proslost-u-kaknju-svi-testirani-u-fk-mladost-su-negativni/369446)
- 12.[https://sportsport.ba/fudbal/covid-19-protokol-nsfs-bih-bez-rukovanja-grljenja-ogranicen-
broj-ljudi-na-stadionu/369194](https://sportsport.ba/fudbal/covid-19-protokol-nsfs-bih-bez-rukovanja-grljenja-ogranicen-broj-ljudi-na-stadionu/369194)
- 13.[https://sportsport.ba/fudbal/usvojen-covid-protokol-za-premier-ligu-bih-pozitivan-nalaz-
se-tretira-kao-povreda/368913](https://sportsport.ba/fudbal/usvojen-covid-protokol-za-premier-ligu-bih-pozitivan-nalaz-se-tretira-kao-povreda/368913)
- 14.[https://sportsport.ba/fudbal/musija-o-koroni-u-mladosti-prve-sumnjive-nisu-htjeli-testirati-
mi-nemamo-ekipu-za-prvo-kolo/367654](https://sportsport.ba/fudbal/musija-o-koroni-u-mladosti-prve-sumnjive-nisu-htjeli-testirati-mi-nemamo-ekipu-za-prvo-kolo/367654)

15. <https://sportsport.ba/fudbal/nema-odgadanja-pocetka-nove-sezone-premier-lige-bih/368080>
16. <https://sportsport.ba/fudbal/slavlje-bordo-tima-se-nastavilo-u-parku-princeva-uz-250-zvanica/364130>
17. <https://scsport.ba/sarajevo-odustalo-od-proslave-pred-vjecnom-vatrom-autobus-sa-igracima-kruzit-ce-gradom>
18. <https://sportsport.ba/fudbal/samo-pet-klubova-testiralo-igrace-prije-pocetka-trenaznog-procesa/363847>
19. <https://sportsport.ba/fudbal/i-sluzbeno-je-gotovo-nfsbih-prekinuo-premier-ligu-fk-sarajevo-novi-stari-prvak/363610>
20. <https://sportsport.ba/fudbal/sta-se-desavalo-na-sjednici-io-fsbih-ko-je-bio-protiv-zakljucaka-takmicarske-komisije/363628>
21. <https://sportsport.ba/fudbal/dzemidzic-da-li-smo-razgovarali-sa-ministrom-seranicem-nema-na-kojem-nivou-nismo-razgovarali/363575>
22. <https://sportsport.ba/fudbal/takmicarska-komisija-fsbih-kraj-sezone-sarajevo-prvak-zvijezda-09-i-celik-u-nizem-rangu/36354622> .
23. <https://sportsport.ba/fudbal/spremajte-se-za-narednu-sezonu-seranic-ugasio-svaku-nadu-za-nastavak-premier-lige/363155>
24. <https://sportsport.ba/fudbal/federacija-bih-rekla-da-premier-ligi-bih-hoce-li-fsbih-pritisnuti-krizni-stab-rs/362862>
25. <https://sportsport.ba/fudbal/ako-se-klubovi-budu-pitali-prvenstvo-ce-se-nastaviti/361187>
26. <https://sportsport.ba/fudbal/klubovima-upitnik-odgovore-dostaviti-savezu-do-14-maja/360500>
27. <https://sportsport.ba/fudbal/kljucni-datum-je-25-maj-vlada-rs-ostavila-mogucnost-igranja-prije-1-jula/361168>
28. <https://sportsport.ba/fudbal/pogledajte-pitanja-na-koja-klubovi-moraju-odgovoriti-savezu/360505>
29. <https://sportsport.ba/fudbal/da-li-naredba-kriznog-staba-kantona-sarajevo-znaci-da-ce-se-utakmice-igrati-bez-gledatelja/354594>
30. <https://sportsport.ba/fudbal/ko-moze-prisustvovati-utakmici-koja-se-igra-iza-zatvorenih-vrata/354598>
31. <https://sportsport.ba/fudbal/kome-ce-odluka-nfsbih-najteze-pasti/354605>

32. <https://sportsport.ba/fudbal/finansijski-udar-na-kosevu-koliko-ce-fk-sarajevo-izgubiti-novca-jer-ce-igrati-bez-publike/354606>
33. <https://sportsport.ba/fudbal/akcija-navijaca-zeljeznicara-za-svaku-pohvalu-istu-podrzao-i-klub-sa-grbavice/354634>
34. <https://scsport.ba/takmicarska-komisija-utakmice-premijer-lige-igrat-ce-se-narednog-vikenda-nova-sjednica-u-utorak/>
35. <https://sportsport.ba/fudbal/posljednja-informacija-iz-saveza-ceka-se-odluka-kriznog-staba/354793>
36. <https://sportsport.ba/fudbal/odlican-odziv-na-grbavici-navijaci-dokazuju-vjernost-fk-zeljeznicar/354823>
37. <https://sportsport.ba/fudbal/odgodena-premijer-liga-bih/354789>
38. <https://sportsport.ba/fudbal/zeljkovic-sve-je-upitno-osjetljiva-je-tema-neki-klubovi-bi-bili-zadovoljni-neki-ne/355414>
39. <https://sportsport.ba/fudbal/cetiri-prijedloga-za-nastavak-premijer-lige-bih/355882>
40. <https://sportsport.ba/fudbal/naredna-dva-kola-u-premijer-ligi-bez-publike/354600>
41. <https://sportsport.ba/fudbal/savez-i-klubovi-zele-završiti-sezonu-ali-krizni-stabovi-fbih-i-rs-sve-drže-u-svojim-rukama/358278>
42. <https://sportsport.ba/fudbal/održana-sjednica-io-nsbih-situaciju-jos-uvijek-diktiraju-aktuelne-mjere-zabrane-u-drzavi/358832>
43. <https://sport.novi.ba/clanak/255354/ostaju-bez-pravog-bogatstva-klubovi-zbog-korone-bez-vise-od-220-000-km>
44. <https://scsport.ba/dodatni-troskovi-organizacija-utakmica-ce-vise-kostati-klubove-ukoliko-se-sezona-plbih-nastavi/>
45. <https://sportsport.ba/fudbal/odreden-je-krajnji-datum-za-zavrsetak-fudbalske-sezone/358847>
46. <https://sportsport.ba/fudbal/razgovor-kriznog-staba-i-predstavnika-fsbih-klubovi-cekaju-upute/358968>
47. <https://sportsport.ba/fudbal/na-racun-nogometnog-saveza-bih-fifa-ce-uplatiti-500000-dolara/359083>
48. <https://sportsport.ba/fudbal/uefa-oslobodila-sredstva-za-pomoc-savezima-na-koliko-novca-moze-racunati-nfsbih/359398>
49. <https://scsport.ba/mecevi-u-specijalnim-uslovima-nsbih-ce-uciniti-sve-da-se-odigraju-sve-utakmice-premijer-lige/>

50. <https://scsport.ba/pilav-treninzi-bi-eventualno-mogli-poceti-u-prvoj-sedmici-maja-individualni-potom-grupni/>
51. <https://sportsport.ba/fudbal/nfsbih-dostavio-prijedlog-za-treniranje-i-odigravanje-utakmica-premier-lige/359427>
52. <https://sportsport.ba/fudbal/premier-liga-bih-se-nastavlja-7-juna-a-zavrjava-26-jula/359454>
53. <https://sportsport.ba/fudbal/dva-testiranja-prije-nastavka-prvenstva/359456>
54. <https://sportsport.ba/fudbal/uefa-odredila-rok-za-plan-o-nastavku-premier-lige-bih/359437>
55. <https://scsport.ba/djokovic-priznao-da-je-pogrijesio-bilo-je-prerano-ne-mogu-da-vam-opisem-koliko-mi-je-zao/>
56. <https://sportsport.ba/tenis/nista-od-dokovicevog-dolaska-u-sarajevo-otpala-i-mogucnost-da-se-igra-na-grbavici/365915>
57. <https://scsport.ba/otkazan-adria-tour-u-banjoj-luci-i-sarajevu-ideju-sprovodimo-u-djelocim-se-steknu-uvjeti/>
58. <https://scsport.ba/sve-veca-lista-zarazenih-sa-zadarskog-adria-tour-jos-tri-tenisera-pozitivna-na-korona-virus/>
59. <https://sportsport.ba/tenis/grigor-dimitrov-pozitivan-na-koronavirus/366099>
60. <https://sportsport.ba/tenis/otkazano-finale-turnira-u-zadru/366103>
61. <https://sportsport.ba/tenis/kad-fudbala-nema-teniseri-kolo-vode-u-banja-luci-se-sprema-spektakl-usred-zabranjenog-terminala/365707>
62. <https://sportdc.net/n/119627/novak-i-goran-organizatori-turnira/f>
63. <https://scsport.ba/djokovic-mec-u-sarajevu-ce-bitiza-kraj-adria-toura-pokusat-cemo-angazovati-basica-i-brkica/>
64. <https://mondo.ba/Sport/Ostali-sportovi/a960770/Novak-Djokovic-Banja-luka-i-Sarajevo-jos-nisu-potvrdjeni.html>